

প্রার্থনা ।

ঘন আধারের কোলে,
দীপটী রেখ গো জেলে,
যেন, এঘোর আধারে, পথহারা হ'য়ে
যাইনা গো দূরে চ'লে,
আমি,

দীপটীতে ল'য়ে হাতে
পথে চ'লে যেতে যেতে—
সহসা গো হায়, কামনা-ঝঙ্কার
দেয় গো বাতিটী নিভায়ে ।
আমি অতি ভয়ে ভয়ে
সে ঘোর ঝঙ্কা-মাঝারে,
থাকি গো একাকী দাঁড়ায়ে
(তোমার) আশ্বাসবাণী চাহিয়ে ।

সহসা গো কোন্ ক্ষণে,
আমার নিরাশ প্রাণে,
ক্ষণিকের আশা জাগায়ে,
গুরু-গভীর ধ্বনি তুলি, আলোক উঠে গো উছলি
দেয়গো পথটী দেখায়ে ।
সুধু ক্ষণিকের তরে
পথটী আশ্রয় দেখায়ে

(পুনঃ) রাখে গো গভীর আধারে,
আমি, আলো আধারেতে ল'য়ে, শতঝঙ্কাবাত স'য়ে
থাকি পথহারা দাঁড়ায়ে
আমার দীপটী রেখ গো জালায়ে ॥

শ্রীগোপাল দত্ত

প্রথম বার্ষিক শ্রেণী, D শাখা ।